



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

V. Navaruae regina ad Catholicam Ecclesiam redit.

urn:nbn:de:hbz:466:1-10880

vero de communione sub utraque specie, disputationibus ita erat implicatus, ut de ea populo concedenda in congressu Nicensi præfens cum Clemente Pontifice egerit. Sed quidquid sit, Lutheranus quidem tum aditus fuit obstructus. In ejusmodi quidem hæreticorum colloquis tamquam sub cineribus ignis latet. Ac velut animalia vel bestiolæ quædam sunt, quarum morsus prius non sentitur, quā tumor appareat: vel quemadmodū fungi quidam sunt, quorum venenum ita tenuum est, ut perdetentim hominem absumat: sic hæreos virus paullatim in animis eorum quos semel afflaverit, magis magisq; gliscit. Quæ res tanto periculosis in Rege est, quanto plures ipius exemplo ad idem faciendū invitantur: quum verissimum sit quod Poëta dicit:

Componitur orbis:

Regis ad exemplum. Nec sic inflectere sensus:

Humanos edita ualent, ut vita regentis.

Ilo vero privilegio Reges & Magnates gaudent, quod omnes ipsorum actiones, quantumcumque etiam malæ & perniciose, probandæ sint. Tanto vero majus in colloquio illo erat periculum, quod initio nec ad defensionem nec ad assūlum sufficiētibus armis multi ex Catholicæ nostris athletis instruti essent.

Verum enim vero ne tam præclaræ feminæ ac tanto rege dignæ sororis gloriam obscurare videar; reliqua mihi pertexenda sunt. Certum quidem est aliquot ante obitum annis eam errore suo agnito, præcipitum in quo stare videbatur, declinasse, & ad Catholicæ Ecclesiæ gremium reveram esse; protestatam prius, non malitia quadam animi, aut sinistra opinione de majorum religione, sed sola afflictionum hominum commiseratione adductam, quæ haecen à se acta essent fecisse. Beza certe ei exprobrat, quod gloriam suam multum obscurari, decipiēdā se præbens iis qui facilitate ipius abutebantur. At illa Reformatæ Ecclesiæ Historia longe ulterius progrederit, dicens. Eam a Deo de relata, ad primam suam idolatriam rediisse, sibiq; exitium attraxisse. At ö felix exitium quod salutis fuit initium! O laudabilem & sanctam idolatriam: quia illa jam morti vicina corpus Creatoris sui recepit, animamq; Deo reddidit inter Crucis, quam in lectulo assidue secum habebat, amplexus. Si enim eam mortuam, Franciscanus quidam Religiosus, Aegidius Callian nomine, mihi narravit, qui extrema eiunctione impertivit, & animam exhalans adstitit. Ex Domina de Riberac, qua illustri Candaliorum familia orta, in expeditæ reginæ fa-

milia educata fuerat, audisse memini, à Calvinæ tam litteris quam internunciis crebro fuisse monitam, ut veritatem omni studio propugnaret; illum vero vicissim ab ipsa rogatum, ut ad se venire non gravareretur, quo melius edocta, errorem agnosceret atque emendaret. Sed ut Mutianus olim de nescio quo dixit. Consilium lubenter eum dare, sed periculum omne averſari, ut tubicen ille in Aesopifabulis, qui classicum quidem canit aliosque ad præclaram excitat, ipse vero statim de tuto loco sibi prospicit: sic Calvinus suos ad martyrii gloriam vehementer accendebat, eamdem vero ipse remis velisque fugiebat. Eodem tempore quo Navarra regina Novatoribus favebat, Ferraria quoq; Ducessa, regio & ipse Francia Regum sanguine orta, majori cosdem studio prosequebatur. Mirambellus certe Ferraria novam illam religionem hausit, quam deinde non Santonibus nostris tantum intulit, sed & posteris suis quasi hæreditariam tradidit. Ibidē Antonius Pontius, unus ex præcipuis Aquitanicæ Nobilitatis, Catholicæ Ecclesiæ repudium misit, cum qua tamen nō multo post in gratiam rediit; ac deinceps in mediis illis bellorum civilium incendiis majorum religionem ita propugnavit, ut in patriæ cineribus pæne fuerit sepultus. Cum hoc ego de Hæreos ortu & aliis rebus sæpe colloquatus sum, ut qui naturæ quodam instinctu litteras valde amaret, & consiliorum ac factorum etiam seceret ö Francisco & Henrico regnantiibus suscepitorum, gnarus erat: sed quia tum de Historia ac conscribenda ne cogitabam quidem, multa ex ipso auditæ memoriam meam effugerunt; quædam tamen retinui, inter quæ & hoc est quod paullo ante de Cardinali Turnonio recitavi.

Doctus quidam & xate profectus Monachus: Dominicane familiæ, Berneancis patria, Aradus nomine, exemplum mihi monstravit Epistola cuiusdam, quam Melanchthon ad Rufum illum, cuius non uno loco mentionem supra fecimus, scriperat, utq; Margarita Navarra regina eam legeret, rogarat: quā hoc loco lubens inferuisce, nisi ea nescio quo casu mihi periuisset; ut nimis lectori ostenderem, quibus artibus nostri temporis hæretici, Arrianorum ac reliquorum qui umquam exstiterunt, exemplo, aures atq; animos P̄incipum incantare, ac subdolis suis, sed aliquo pietatis ac saftitatis colore tintitis verbis ac ratiosibus inassam suam attrahere conati sint. Ut vero dānum hoc quodammodo resarciam, & lectoris animo aliqua ex parte satisfaciā, tam regis ad Melanchthonem Epistolam,

Iam, quam hujus ad illam responsonem velut succēderi abo. Regis nomine scripta Epistola sic habet.

Jam pridem ex Gulielmo Bellao Langæo, Cūbiculario nostro, & privati nostri Consilii Cōsilia-
rio, singulare tuum concordia facienda, & turbarum ac dissidiorum in Ecclesia componendorum
desideriū intellexerā; postea vero tam ex litteris ad
ipsum scriptis, quam ex Barnabæ Vocæ sermoni-
bus etiam cognovi, lubenter te ad nos venturum,
ut cum Doctribus & Theologis nostris de redu-
centia ad unionem Ecclesia, & antiqua Ecclesiasti-
ca disciplina ac politia restauranda conferres: quā
rem ego omni studio ac sollicitudine complecti ac
promovere cupio. Sive igitur venias ut privatus,
sive publico nomine legatus, mihi longe eris gra-
tissimus, ac re ipsa me & pacis, & Germaniæ digni-
tatis per quam studiosum experieris, &c.

Ad hanc Epistolam Melanchthon respondit:

Quamvis pulcherrimum Franciæ regnum, Rex
Christianissime ac potentissime, multis aliis rebus
quibus undique ornatum cernitur, omnia alia re-
gna excellat: inter præcipuas tamen laudes principi-
pem locum id obtinet, quod bonarum litteraturum
studiis præ ceteris floruit, & pro Christianæ reli-
gionis defensione assidue excubavit. Unde etiam
Christianissimorum nomen Reges ipsius merito
adepti sunt: quæ quidem laus maxima & augustissi-
ma est omnium quæcumque in hac terra homini
tribui possunt. Quare Regiæ vestre Majestati ni-
hil laudabilius est ac honorificentius, quam quod
etiam hoc tempore de Ecclesia, non violentis re-
mediis, sed Rege optimo ac Christianissimo dignis-
rationibus, conservanda laborat: dum in tantis
dissensionibus tam unius quam alterius partis ve-
hementiam ita reprimere ac moderari studet,
ut explicata & reputata Christiana doctrina, &
Iesu Christi gloriæ; & Ordinis Ecclesiastici digni-
tati, & paci publicæ consulatur. Nihil certe tan-
tam gloriam ac laudem meretur, quam ejusmodi
desiderium, ejusque autores ac suafores; nihil Re-
ge dignius cogitari potest. Quapropter Majesta-
tem Vestram rogo atque oro, ut in hanc curam ac
cognitionem omnibus viribus incumbe non
cesset. Quamvis enim publica illa dissensio disso-
litis quibusdam ac pravis Doctribus aditum in
locis quibusdam patefecerit: multa tamen à bo-
nis viris in apertum producta sunt, quæ commoni-
cari atque in Ecclesia conservari permagni in-
teresset. Ac licet petulantia malorum reprimenda sit:
Regiam tamen Vestram Majestatem obsecro, ne

quorūdam scriptorum acerbitate eō abduci se pa-
triatur, ut etiā ea quæ bona sunt & Ecclesiæ utilia,
eliminentur. Ad me quod attinet, numquam im-
moderatae eorum opiniones mihi placuerunt, qui
pulcherrimum illum & sanctissimum Ecclesiæ ordi-
nem corruperunt ac dissolverunt, ut quo omnes
nihil charius & antiquius habere debent. Et quia
scio, impense te favere omnibus iis qui in eo quod e-
go litterarum genere versati sunt: D'eu[m] testor, me
quamprimum Regiæ vestre Majestatis aspexi epi-
stolam, omne studium ac diligentiam adhibuisse,
ut quantocuyus mihi ad Majestatem Vestram profi-
cisci esset facultas, ut qui nihil magis in votis
habeam quam Ecclesiam pro virium mearum re-
nuntiate juvare. In bonam vero spem erexit sum,
postquam intellexi, Regiam Vestram Majestatem,
pro singulari sua prudentia & pietate nihil magis
desiderare, quam ut publicæ utilitati & divinæ
gloriæ in omnibus prospiciatur. Quantis vero dif-
ficultatibus impeditus jam teneat, ex Vocæ Ma-
jestas Vestra cognoscet: quæ eti profectionem meā
retardarunt, animū tamen à pristino dissidia Chri-
stianæ religionis componendi proposito ac deside-
rio nequaquam dejecerunt; uti Vocæ Regiæ Ve-
stre Majestati latius declarabit: Quod supereft, Re-
giæ Vestre Majestati humilime me commendo, ac
promitto, me ad honorū ac doctorum hominū qui
in Ecclesia sunt, iudicia, meum studium semper ae-
commodatum. Christus Regiam Vestram Majes-
tatem florentem & incolumem conservet ac gr-
bneret, ad communem totius orbis salutem, & di-
vinæ gloriæ illustrationem. Ex Saxonie, V. Calen-
das Septembris, M. D. XXXV.

Non multo post idem Melanchthon ad eundem
Regem libellum quendam misit, hoc titulo inscri-
ptum: *Consilium de moderandis Religionis controver-
sis, ad Gallos*: in cuius initio Papæ auctoritatem ac
potestatem in Ecclesia Monarchicam concedit,
quum ob alia, tum hoc potissimum respectu, ut u-
niversalis doctrinæ consensus inter omnes quæ sub
Ecclesiæ sunt obedientia, retineatur. Ibidem dicit,
magnam illam auctoritatem ac potestatem, quam
Papa in regna & imperia obtinet, nec ad Ecclesiam,
nec ad Evangelium quidquam attinere. Hanc pro-
positionem indignissime tulit Lutherus, cuius om-
nia studia eo directa erant, ut Papalem illam maje-
statem, quæ vel solo nomine erat terribilis, dejice-
ret ac procularet. Econtra Melanchthon tam do-
ctrinæ moderationem atq; intellectum quam ce-
remoniarum atq; abusuum correctione ad Papam

Ef. 3: remittit